

تمامض حل و یوز جزو صوبی حاوی برکاسه به باتریلوب
 بر دقیقه مقداری توقیف اولند قدن صکره چقار یلوب یاش
 اولدیغی حالده دخی (داکر و تیب) آلتنه وضع ایله رسم اخندنده
 استعمال اولنه یلور . فقط قوریدقدن صکره استعمالی مراد
 اولتور ایسه انیققدن چکیلان صوایله یقاندقدن صکره
 قراکولاق بر محله قوریدیلوب برقاج کون صکره استعمال
 اولتی اوزره حفظ اولتور . بوجهله تمیشه قانمش اولان جام
 یکرمی دقیقه مقداری (داکر و تیب) آلتی دروننده طور قدن صکره
 مومده جزو یجه اصیدلمش اولان محلول حامض عفص صوینه
 بارلقدن صکره رسمه دهارونق و یرمک ایچون اشبو صویه
 برقاج طامله محلول جهنم طاشی دوکیلور . جامی بول صوایله
 یقاندقدن صکره رسمک ثابت قالمیچون سکر جزو ملح کبریت
 سوده ایله یوز جزو صوبی حاوی برکاسه ده بش دقیقه
 مقداری براغیلور . وجه مشروح اوزره چقاریلان رسم منفی
 اولدیقتن بوندن یورطه اقیله تریبه اولتان جام و کاغذ اوزرینه
 استیلدیکی قدر مثبت رسم استخراج اولتور

(ما بعد)

(جنکیر خان)

بووقه نك اوزرینه تموجینك اختیار ایلدیکی مسلك زیاده شایان
 دقتدر شویله که برعادی ادم اولیدی اشبو مظفریت عظیمه دن ناشی
 مست ضرور اوله رق بلکه قاره قورومک ضبط واستیلا شه

تصدی ایدرایدی . فقط تموچین بودند صرف نظرله اون بیک جسور
عسکر استخواب و کندو مملکتی اوزرینه شتاب ایدوب ملک
موروثی آورده قبضه تسخیرایلی . ممالک سائرده مظهر اولدیغی
فوز و ظفر اولجه اورا ده شایع اولدیغندن اها لیبسی کمال اعزاز
واجبالایله کند و سنی استقبال ایلدیلر

تموچین اول امرده مغولستانک تحصیل استقلالیه مغوللری
اونه دنبرو خراجگذاری اولدقلری قرایت خانلرینک دست
تغلبندن خلاص ایده جکئی اعلان ایلدیکندن مغولستان جنوبی
رؤسای بوباید به با المنونیه کندوسیه عقد اتفاق ایلدیلر
وتریب اولنه جق اردوتک سرعسکرلکی جله نك تنسیبیه تموچینک
عهده اسنیهالنه احاله اولندی

اونک دخی جسیم اردوو مکمل اسباب احشام ایله محاربه به
شروع ایلدی ۵۹۹ سنه سنده بر صحرای واسعه صفین تلاقی
ایدوب طرفینک یکدیگری حقنده اولان عداوت ملیله اقتصاسجه
مقاتله شدیده وقو عبولدی . براز وقت غالب و مغلوب معلوم
اولماش ايسه ده نهایت تموچین اردوسی فن عسکریده اولان مهارتیه
مبنی عدد و حساب نتیجه کندوسنه فائق اولان دشمن اردوسنه
غالب کلدی . اشبو محاربه جسیه ده طرفیندن قرق بیک ادم تلف
اولمشدر . اونک دخی بوهرنیمده حاضر اولدیغندن چند نفر
خواص خدمه سبله برابر فرار ایدوب بشون کیجه کتد کدن صکره
غایت غدارلقه معروف اولان نایمان طائفه سندن برطاقم
اشخاصه تصادف ایلدی . اشبو طائفه طرفین محاربینک دخی
دشمنی اولدیغندن محاربه حاضرده اصول بی طرفی بی التزام

ایستید ی . اشخاص مر قومه ارنگی اخذ و گرفت ایله تایانک نام
رئیساری حضور ینه کنوردیار واشبو تایانک اونکک خراجگذاری
اولوب ینسارنده خصوصت قدیمه دخی اولدیغندن سن وسانده
وبولند یغی حال پرملاه رعایت ایتمه رک مومی الیهی حضورنده
قتل ایتد یردی

بالاده بیسان اولندیغی اوزره اشبو تایانک غایت غدار و جنگاور
برطائفه نک رئیس اولوب تموجین حقنده دخی فوق الغایه عداوتی
وارایدی . مغولستانه همچوار اولان تاتار طوائفی خانلرینی طرفه
جلب ایله تموجین عایمهند . اولکندن قوتلو براتفاق تشکیل
ایلدی . تموجین رفاقتنده بولسان امر ا موسم شتاتک تقریبی
مناسبیتله محاربه بی سنه آتیه بهار ینه تعلیق ایتمک استمشلر
ایسه ده تموجین در عقب دشمن اوز ینه هجومی تنسبب و بالجله
صاحب خروجره بر موهبه الهیه اولان قوه نطقیه سیله دیگر
خانلری دخی بویاده الزام ایلدی

مغول طائفه لری کندولریله نایمان طائفه سی یننده حد فاصل
اولان الطسای نهری طرفه عزیمت ایدوب فقط طائفه مذکوره
مقدمه نهر مذکوری عبور ایله ایلر ولکده اولدقلری حالده ۶۰۰
سنه سی اواخرنده التقای فریقین واقع اولوب طرفیندن دخی
کمال درجه شدت کوسرتلدی و محاربه نک ابتدا سنده تایانک
مجروحا فرار ایلدیکی اشاده فوت اولدی . اشبو محاربه ده
ممکن مرتبه تاتارل وقایه اولوب نایمانلر قتل عام اولغسنی تموجین
کندو عسکر ینه تنبیه ایلاش اولدیغندن طائفه مذکوره عسکری
کاملا محو و مضمحل اولشد

اشبو مظفر شدن مغولر فوق الفایه محفوظ و مقنن اولوب
 تموچینه بر قوه معویه اسناد ایدر لاییدی • تموچین بعده یته بر اردو
 ترتیبه قایم دیرینک پایتختی اولان قاره قوروم شهری اوزرینه کیدرک
 عنوة ضبط و تسخیر ایله مرکز حکومت اتخاذ ایلدی
 مدت قبله ظرفنده بوقدر فتح و ظفره موفقیتی تموچینک
 بر قاندها تزیاید حرص شاقنی موجب اوله رق سائر خانلری دخی
 تحت اطاعت ادخالی تصمیم ایلدی • وکله جک بهارده مغولستان
 و تاتارستان شرقیده بولغان طوائف طرفندن نزدینسه بر قاج
 مبعوث انتخاب واعزام اولتیق اوزره هر طرفه دعوتنامه
 ارسال و مسقط رأسی اولان دیلون یولدوق نام موقعی دخی محل
 اجتماع تعیین ایلدی ۶۰۱ سنه سنده مطلوبی وجهله بالجمله خوانین
 و امراموسم بهارده محل مذکورده تجمع ایلدیلر • مغول و تاتارلر
 اونه دنبروسر کسلکله مالوف اولوب هیچ بر حکومت اطاعت
 ایتمک لری حالده اولوجهله تموچینک دعوتنه اجابتیه مسارعت
 ایللری مشار الیهک نه درجه نفوذ و اعتبار قزاقمش اولدیغنی
 اثبات ایدر • تموچین کند و مخدوملری و وکلاسی و امرای
 عسکریه سیله برابر کمال احتشام ایله جمعیت مذکوره یه کیدوب
 اردوسنک اوراده بولمسی دخی تزیاید فروسطو تنه مدار اولمشدر •
 اشبو ارد و طفوز فرقه یه منقسم و غایت مکمل و منظم
 ایلدی
 تموچین کجه ایله دوشمنش برالچی تخت اوزرنده مر بعنشین عظمت
 اولدیغنی حالده مبعوثلر حضور یتنه دخول ایله باشنه بر نوع تاج
 وضع و بعده قولتغه کیره رک کتوروب بر تخت عالی اوزرینه اجلاس

و بعدہ امرای عسکر یہ کلوب زانو زمین تعظیم اولدقلری
 حالہ اجرای رسم بخت ایلدیلر اول انشادہ من غیرہ امول بیاض
 قفتانی براختیار ادم ظہور ایدوب سائر لری کی رسم تعظیمی
 ایضا ایتک ایچون تموچینک نزدیشتہ تقرب ایلدی بوزات لامامذہبک
 شامان تعمیر اولشان متعبدلندن اولوب اسمی بت تکرری ایدی
 و مغسوللر بونک دائم سسایہ عروج ایتدیکنہ اعتقاد ایدوب
 عندلرنده زیاده محترم ایدی پیرمر قوم تموچینہ توجیہ خطاب ایلہ
 «قرمزی لباسلی و برقیق آتلی برادرم راست کلدم کیت بیسو کلنک
 اوغلنه سویله بوندن صکره تموچین اسمنی ترک ایلہ جنکیز خان
 یعنی خان خانان عنوانی السون و جناب حقک امریله کندوسنہ
 و ذرینتہ دنیاسک جہات ار بعد سنی یعنی مواقع مرتفعہ و عقیقہ بی
 و اراضی بسیطہ بی و یردم دیدی

مؤرخین متأخرینک زہانہ کورہ شو کیفیت حضار مجلسی
 اغفال ایتک مقصدیہ ترتیب اولمش برصنیعہ اواسوب فی الواقع
 بوندن مقصد اولان حال دخی فوق المامول حصولہ کلدی شویله کہ
 عموم ناس بونک تأیید آسمانی اولدیغنه اعتقاد ایتمشلر ایسہدہ
 بوسر مکتومک فاش اولماسی بالطبع جنکیز خانجہ زیاده مہم
 اولدیغندن وقعہ مذکورہ نک اوزرینہ مرقوم بت تکرری بہ فوق الغایہ
 خدمت اولنوب اقوالہ دخی وثوق و اعتماد کوستر بلور ایدی
 و شو کیفیت حکومتک مقاصد بی ترویج ایچون مزاج جہات
 امتزاج اہالی بہ مناسب برآلت اتخا ز اولندی پیرمر قوم مشارالہ
 بویله برخدہت امہمہ ابراز ایتمش اولسنہ اغترار بعض کرہ ادارہ
 حکومتہ متعلق مواد حقنہدہ الہامات بیاتنہ تصدی ایتک

باشلادی . برکون بت تنکری ارکان رجال دولت حضورنده تفوه
ایتمش اولدیغی بعضی مقالاتیه بنی جنکیر خانک برادرلندن بریسی
حدته کله رک برضربه ایله کندوسنی اهلاک ایلدی و بو وجهله
جنکیر خان معترض مرقومک التدن خلاص اولدی
جنکیر خان الی ایکی یاشنه واصل اولدقده عموما مغول طائفه سنی
تحت حکومتیه الوب فتوحات واقعه سنه مبنی حقنیده بالمله
زیرد ستانک میل وانجذابلرینی استجلاب ایلدی و طوائف مذکوره نیک
برداره محدوده داخلنده بولمستنده کندو بقای نفون و حکومتیجه
وخامت مطالعه ایدوب مغولرک ممالک سائر به تحس و زلی
مناسب اوله جغنی تصور ایلدی . اشته طائفه مذکوره نیک خارجه
هجوم ایله یکرخی سنه کچمکسزین کاملا آسیا قطعده سنی اسنیلا
ایدوب اوروپا نیک جهت شرقیه سنه دهشت انداز اولسنک منشائی
بو کیفیت اولمدر
مغولر ابتدا جار ملاصقاری اولان تانار طائفه سی ممالکنه هجوم
ایلدیلر اکثر مورخین اشیو ایکی طائفه یی یکدیگرندن تفریق
ایتزلر ایشه ده کرک شکل و سیما و کرک اخلاق و عاداتجه بیلرند
کلی فرق واردر . مغولر آسیاده بولان طوائفک الک خشین
والک جاهلی اولوب اول زمانده لسانلرینی یازه جق خطاری دخی
یوغیدی . حالبوکه تانار طائفه سی مغولره نسبتله متدن
اولوب حتی بعضی علوم و فنون ایله اشتهغاللری مناسبیه
جنکا ورلکرینه بعضی مرتبه ضعف کلمشیدی . شو حال جنکیر
خانک دخی مجهولی اولمیدندن اول امرده غایت مثبت و محصولدار
اولان تانارستانک اسنیلا سنی تصور ایلدی

جنگیر خانك حرکت ایلدیکی قراقورمدن او یغور ممالکی بینده
ایکی یوز ساعتك مسافه اولوب فقط دائمی صحاری وسیعده
سرسری کر مکه الشمس اولان بومقوله طوائفه کوره بعد مسافه
مواقعدن معدود دکلدر جنگیر خان عموما مغول طائفه سنه صورت
مطلقده حکمی جاری اولدیغندن جمع ایلدیکی قوه عسکریه سنه
مقاومت ناقابل ایدی . جنگیر خانك تقریبی حدودی او یغور
طائفه سنه دهشت انداز اولدیغندن خانلری اولان (ایدیقوت)
قطعا مقاومت داعیه سنه دوشیمه رك جنگیر خانك استقبالیته
مسارعت و خراجکذارلغنی قبول و بوججهله ممالکنی تخریبیدن
محافظه ایلدی . بونك اوزرینه جنگیر خان روابط دوستی
و اتفاتی بر قاندها تأکید ایچون کریمه سنی ایدیقوت خانه
تزویمج ایلدی

جنگیر خان بخارای صغیردن بیققد قدن صکره اردوسنك
بر مقدار یله تانقوت ممالکنی ضبط و تخریب ایتک نیتیه قوی
صحرا سنك نصفته قدر واصل اولد قدده مملکت مذکوره نك
خانی دخی او یغور خانی کی مقاومتدن مایوسا کلوب عرض
اطاعت و جنگیر خانك برچوق تکالیف عینقه سنه بالضروره
اظهار موافقت ایلدی

جنگیر خان هر قدر حلیه علم و عرفا ندن عاری ایسه ده فطانت
فطریه سی برکال اولدیغندن چین داخلی بی یعنی مملکت مذکوره نك
سور مشهور داخلنده اولان محاربینی قتح ایلکی تصور ایلدی .
چونکه اشبوسد سدیدك خارجنده بولسان ایالاتی عنوة و یا خود
مجرد تهمید ایلله استیلا ایتشید ی وقت و حال دخی شو تصور ك

چیز فله اخراجنه مساعد اولوب چونکه یکر می بش سنده دنیرو
 (نیوجه) خاندانی تانارجنستندن اولان خطایلیری مملکتلردن
 طرد و اخراج ایدوب مملکت مذکوره ده حکومت ایدرلر ایدی .
 اشبو خطایلیر اولوجهله وطن اصلیلرینی ترکه مجبور اولدقلردن
 کلوب سورچینه محازی اولان (سیولکی) سلسله جبالنک
 غرب طرفنده واقع اتکنده ممکن ایتشار ایدی . جنکیر خان اشبو
 خطایلیرايله عقد اتفاق ایلدی . طرفیندن کوند ریلان بعض
 امر اتکشد ایتش اولان برچوق طوائف حضورنده برلشدیلر .
 بومثلاو حالاتده اجراسی عادتلی اقتضاسندن اولدیغی وجهله
 برقیرات و برسیناه بوغا بوغازلوب برقاج اوق دخی قیردیلر . اشبو
 مر اسنک ایضا سنی متعاقب جنکیر خان مستشار خاصی اولان
 ژافرنم ناتق اعلان حرب ایتک اوزره خاقان چین طرفنه اعزام
 وچینک قوه حربیه واسباب تدافعیه سنک خفیا تحقیقنی دخی سفیر
 مومی الیهه تنبیه ایلدی

چین پادشاهی سفیر مومی الیهک تبلیغاتنه نظر استخفاف ایله
 باقوب اکر مغول پادشاهی چین ممالکنه پای انداز تحاوز
 اولور ایسه بردها شور چینک اوتنه طرفنه مرور ایده مز دیو
 جواب وردی

جنکیر خان هجرتک الی یوز الی سنه سی موسم بهارنده قاره قورومدن
 حرکت ایدوب مستحب اولدیغی جسیم اردو مغول ایله تحت
 حکومتده بولسان طوائف سائره عسکرندن مرکب ایدی .
 اشبو اردوده مقدار وافی وارلوقنک عادت اوزره متعدد منجملر
 دخی وار ایدی

جنکیرخان ایکوڑ ساعت قدر ممتد اولان مغولستان صحراسنی قطع ایتد کدن صکره صاری ایرمق کنارینه واصل اولدی. اشبونهرک جسامتی جهتیله بالسپوله عبوری ممکن اولدیغندن جانب غربه طوغری کیدرک (نیل) نهرندن گذار ایله سورچینه مواصلت ایلدی. اشبوسورشمدی یه قدر نوع انسانک انشا ایتمش اولدیغنی ابنه نك الك جسم و متینی اولوب جنکیرخانک قوه جبریه ایله بوندن مروری محال حکمنده اولدیغندن سورمذکور قبولندن بریسنک محافظه سنه ما موراولان برضا بط هر فصله افساد اولنه رق قیو اچدی ریلوب جنکیرخان اردوسی بلا مانع و مزاحم چین مما لکنه دخول ایلدی. چین عساکری بالذات خاقانلرینک زیراداره سنده اوله رق امر مدافعه یه قیام ایدوب الی یوزیدی سنه سنده طرفین ییشده بر محاربه عظیمه وقوع بولدی. اشبو محاربه نتیجه سنر قالوب فقط ایکی طرفدن دخی کلی تلفات وقوع بولش ویا لکن جنکیرخان اردوسندن اوتوزیک ادم مقول اولمشدر. اشبو تلفات جنکیرخانه بعض مرتبه موجب ضعف وفتور اولدیغندن خاقان طرفدن کندوسنه وقوع بولان تکلیفه موافقت کو ستردی و ۶۰۸ تاریخنده یتلرنده بر صلح معاهده سی عقد اولنوب اسباب ملوی ییشده مرعی اولان عادتیه توفیق خاقان چینک بر کریمه سی جنکیرخانه تزویج ایله دخی تمهید روابط مسالمت قلندی

اولوجه له عقد مصالحه دن صکره جنکیرخان قاره قورومه عودت ایدوب فقط اردوسندن بر مقدار کلی عسکر افزایله زیاده معتمدی اولان امر اسندن برقاج ذاتک زیراداره سنده اوله رق

داخل چینه برافندی، شو حاله نظر اجنکیز خان مطمح نظری
اولان ممالک چینگ قنندن بالکلیه صرف نظر ایتموب وقت
مرهونه ترک ایلدیکی اکلاشلور: جنکیز خانک درت اوغلی اولوب
دردی دخی اصحاب رشددور ویتنه ایدی: پدر لری بونار:
هر برینه بشقه بشقه ممالک ترک ایلک ارزوسنده اولوب مغول
خانقنده کندوسنه خلف اولق اوزره اینکچی اوغلی ولی عهد
تعیین ایتش اولدیفندن بیوک اوغلتنه ترک ایلک اوزره تاتارستان شمالینک
اخذوا سنیا سنه تصدی ایلدی

مملکت مذکوره اوزرینه برقاج دفعه اردوسوقیه برچوق طوائفی
تحت اطاعت اذخال ایلدی و کندوسی اول انسا ده ممالکنک
وسطنده اقامتله وضع قوانین و اصلاحات سائر اجرا سببه
اشتغال ایلدیکی حالده خاقان چینگ سالف الذکر صلح معاهده سنی
نقض ایلدیکی خبری طرفته واصل اولدی

(منیف)

(مابعدی صکره)

(انتحار)

انتحار برکیمه بر ماده مهلکه و یا بر آلت جارجه ایله نفسی اهلک
ایکدر هر نقدر بعض کسان شعورلرینه خلل کلک مناسبتیه
اهلاک نفس ایدرلر ایسه ده بعضاری دخی شعوری تام اولدیغی
چالده مجرد اصول و عادتیه رعایت و یا ناموسنی محافظه و پاخود
بعض افعال غیر مرضیه و شنیعه ارتکابندن اجتنابا و امتناع
استیجاب و دعاوی به منی کند و اراده و اختیار لریله ترک جامه